



Headline	Muslim Aid Santuni Anak Mangsa Banjir		
MediaTitle	Utusan Malaysia		
Date	24 Feb 2015	Color	Full Color
Section	Supplement	Circulation	178,211
Page No	18	Readership	534,633
Language	Malay	ArticleSize	236 cm ²
Journalist	N/A	AdValue	RM 4,707
Frequency	Daily	PR Value	RM 14,121



Muslim Aid santuni anak mangsa banjir

BAGI meringankan bebanan kehilangan harta benda yang terpaksa ditanggung kebanyakan mangsa-mangsa banjir, Yayasan Kemanusiaan Muslim Aid Malaysia (Muslim Aid) tampil menghulurkan bantuan persekolahan kepada anak-anak mangsa di negeri Kelantan, Pahang, Terengganu dan Perak baru-baru ini.

Menurut pengerusi Muslim Aid, Habsah Marjuni, ini adalah kali kedua organisasi berkenaan menghantar bantuan persekolahan melalui program *Back2School* kepada anak-anak mangsa banjir.

"Kali pertama kami menganjurkan program *Back2School* ini ialah pada 2013 di mana 100 murid sekolah rendah di Kuantan telah menerima sepasang uniform, kasut dan stoking setiap seorang.

Pada tahun ini kami berjaya menyampaikan bantuan kepada 2,000 orang murid. Sekalung ucapan terima kasih yang tidak terhingga kepada rakyat Malaysia. Tanpa sumbangan anda, anak-anak tersebut mungkin belum mempunyai barang-barang persekolahan," katanya.

Bantuan berupa uniform, kasut, stoking, beg galas telah disampaikan kepada 800 orang murid dari SK Peria di Kuala Krai, Kelantan. Seramai 400 murid di Temerloh (Pahang), Kemaman (Terengganu) dan Pasir Salak (Perak) turut menerima bantuan.

Muslim Aid turut mengagihkan peralatan tambahan seperti koleh (*mug*), bekas air minuman, buku nota dan alat tulis.

Penyumbang terbesar bagi misi bantuan *Back2School* kali kedua ini adalah Alumni

Sekolah Seri Puteri, Yayasan Peneraju Pendidikan Bumiputera, pembuat pakaian sekolah Canggih, Koperasi Membeli Tanah Grisek Ledang Berhad dan Al Maghrib Malaysia. Turut menyumbang adalah

Gandingan bertenaga daripada para sukarelawan Team Sukarelawan Rakyat Kelantan, Persatuan Pencinta Alam Malaysia Cawangan Pahang dan Kelantan, Pahang Legal Aid Center dan #kongsirezeki benar-benar membantu melicinkan proses penyampaian bantuan.

Sebelum misi *Back2School* turun padang, satu kontena air mineral sumbangan Pasar raya Borong Matahari Sdn. Bhd. dan 25 karton susu kotak sumbangan Dutch Lady Milk Industries Berhad telah pun terlebih dahulu menjengah mangsa-mangsa banjir di Pahang.



PENERIMA manfaat menerima bantuan dalam bentuk kelengkapan persekolahan menerusi program *Back2School*, baru-baru ini.